

康熙會稽縣志

第一冊

721 85
南志 63
0240.23
32
部=21~4

康熙會稽縣志

蔡元培題



中華民國二十五年七月

紹興縣修志委員會校刊

康熙會稽縣志序

夫一邑之治可推於天下天下之治必先於一邑以吏則兵農禮樂備六官之事以籍則編年表傳集諸史之長方策之與人政良如膚骼相麗非可離合會稽文獻超軼區寓然自隋始立縣訖明萬歷千有餘年方克成志殆由會稽之名後先棼錯爲郡爲縣或併或析揆時按事難于考據而然乎抑以見昔人慎重著書寧遲無驟有若此者張徐洞精淹貫驅駕一時然非經緯於二楊編纂於金馬歲月營綜固亦未易言也若夫續之與創勞逸懸殊究其指歸難易則一謀始之事詳於遡源難者考索易者傳信踵事之圖萃於究委典章易跡人物難求何者百年之間亦遠亦近遠而尙罕論定之書近而未邀耳目之察登降或乖吾爲此懼余初承乏茲土嘗有意貂續顧亦未敢輕言會有詔纂一統志合天下郡縣刻期三月籍上春官承之心惕惟慮弗勝爰進董生欽德金生炯而謀之相與參酌義例裨補闕略比類連詞循繩屬事可幸無失者如斯而已至於嘉言懿軌獨行潛脩雖旁搜迭攬聽納爲疲而執掌塵容逡巡晷漏得無淮西碑頌坐遺李愬之勳柱下鴻文並列韓非之目又或披威鳳之苞而不知一羽之可尊抱瓊琚之屑而翻昧尺璧之爲大徵事貌人甯無錦練要期擷秀標華克完吾慮蒐遺滌蕪懸待後賢則知我固知罪我亦未嘗不知己是爲序旨康熙二十二年歲次癸亥初秋賜進士第

康熙會稽縣志

序

文林郎知會稽縣事玉峯恆齋王元臣謹撰

康熙癸亥仲春賜進士第文林郎知會稽縣事雲間王元臣捐俸重脩

康熙會稽縣志舊序

聖天子大一統湛恩遐布東漸西被訖於無外凡親上親下之倫莫不欣榮條暢遂其生成而鼓舞於大化之中是以類族以辨物因質以披文考禹貢之書綜周官周禮之所記載倣之太師采風小史掌邦國之義斯志之所爲作也夫以覆載之廣博縷而析之及於一邑以郡邑之森列積而數之及於會稽以會稽肇邑之久遠編年紀事而及於今日斯會稽志之所爲作也會稽之名山也始於夏名郡也始於秦其名邑也始於隋邑之有志也始於宋繼以明夫宋以施郡判之綜覈陸待制之風雅明以張宮諭之典則徐文學之宏通維時邑令前有楊公節後有楊公維新茲數公者覽山川之勝槩辨風俗之貞淫察原隰之高下計物產之盈虛其所爲疆域之規險隘之勢人材盛衰之等祀神保民禮教之方豈不釐然具備且生於其地者古人之遺跡猶有存焉然張宮諭徐文學猶遜謝不遑求之馬堯相金階二子之藏艸而書乃成是知志會稽者之難也迨於今九十餘年蒐討之役起於辛亥前令集邑中諸士而書未成余受事伊始媿不敏焉將以是而統於郡上於省會備十五國之風而不遺於彈丸下邑之逸事不甚難哉雖然遐陬僻壤逖聽風聲矧會稽素稱禮義之鄉乎聞之玉卮無當雖寶非用侈言無驗雖麗非經余乃自壬子秋出試闈輒取是編刪繁徵信博采旁咨凡四閱月學博沈君以牒

來曰有俞生嘉謨實堪斯舉余固蚤識俞生授以全編重爲參訂而書成甚矣志會稽之難也是爲序
康熙十二年歲在癸丑夏四月文林郎知會稽縣事岡州呂化龍撰

康熙會稽縣志目錄

卷首

總論 凡例 圖畫

卷之一

疆域志沿革 分野 區界 衢路 坊里 市鎮 郵舍 津梁

卷之二

城池志縣城 所城 廢城 設官 縣署 屬署 寓署 廢署

卷之三

山川志上形勢 山

卷之四

山川志下浦嵒塘潭瀆島洞涇河港江溪海川

卷之五

古蹟志地屬物類

卷之六

康熙會稽縣志 目錄

物產志穀 蔬 果 木 竹 花 草 藥 鱗甲 羽 獸 蟲毒 器 貨

卷之七

風俗志習尚 歲時 禮文

卷之八

災祥志

卷之九

田賦志上戶口鹽糧貢鈔田馬價山鄉蕩水夫塘丈濃

卷之十

田賦志中均平錄均差諸鈔鹽課

卷之十一

田賦志下田戶地額徵山蕩池存留塘灘支鈔蕩禁人丁

卷之十二

水利志塘堰橋門壩開湖陂池

卷之十三



學校志府學縣學

卷之十四

祠祀志上壇廟祠

卷之十五

祠祀志中陵墓

卷之十六

祠祀志下寺院觀宮菴堂

卷之十七

武備志軍制訓練險要軍需賞格軍器戰船巡警保甲

卷之十八

職官志令丞簿尉教諭訓導

卷之十九

選舉志上薦辟制科貢生特用

卷之二十

選舉志中舉人進士

卷之二十一

選舉志下武科武甲

卷之二十二

人物志一名宦寓賢

卷之二十三

人物志二列傳前列傳後

卷之二十四

人物志三理學儒林

卷之二十五

人物志四忠節孝義

卷之二十六

人物志五隱逸仙釋方技

卷之二十七

人物志六 烈婦 貞婦

卷之二十八

序志 後跋

康熙會稽縣志

目錄

三

總論

王者大一統郡國歲上其志于天子而職方以時稽核焉故職方所載疆域一本禹貢蓋禹親歷天下山川而紀綱之是以後世職方之書未有及禹貢之詳且瞻也而會稽之先其國爲禹後于春秋爲越國郡始于秦漢縣建于陳隋其疆域固不待章亥之步隸首之數而可悉之也夫漢高雖都關中過沛而作大風歌曰吾神靈猶應思沛况聖人所端冕藏璧地乎緬想當日夏禹所至執玉帛者萬國會于塗山計其浮磬孤桐大貝南金錫貢則壤于此中者當何如耶猗與盛哉不啻如躬躋夔龍之列而紀其王會之圖矣志疆域第一

夫儒者之學貴有濟于斯人空言亦何補哉觀于越大夫種蠡非昔儒所謂霸者佐乎然考其爲越所建城郭皆仰觀俯察研晰于陰陽消息而爲之故所築不必擘靈踐華借箸於魚復之浦所謂蠡城廓而外周蓬萊之賦已紀其勝事于千古矣縱隋之楊素嘗大築斯城而修之亦在其範圍中矣志城池第二

夫名人好遊佳山水者人亦好志佳山水然而佳山水不能悉遊更不能悉志古軒轅氏鑄鏡于此湖鏡成而仙去故秦皇慕其事而來遊計當日秦皇所至雄悍大臣劍戟武士燕趙粉黛錦帳翠輦牙樁畫鷁無不扈從而求所謂神仙者又安在耶乃赤珪如日碧珪如月之

書藏于宛委之禹穴漢太史令司馬遷探得之故著史記一書人謂其藍本有所自云志山

川第三

望銀漢之胥濤而興其忠君之念讀黃絹之漢篆而發其孝親之心古人之跡今人之志也今人之跡古人之志也然而善書者不必盡做花放雲門之帖善舞者不必皆華陰之士而拭于耶溪之劍惟是鶴羽獨來于樵徑綵筆飛夢于江郎雖今人性靈不能遽勝于古人而古人性靈正自會通于今人夏雲釵脚兵曹特妙又况于古人之跡也志古跡第四

盛王之世天不愛道地不愛寶故萬物之育卽天地之位也紀夏書者錫貢于橘柚入三湘者擷芳于蘭薰昔賢云愛養花木者如愛養英才愛養英才者如愛養花木言經綸之無不在也篠簜盡東南之美玉芝發晏嶺之奇亦採風者之所必錄矣志物產第五

夫子曰性相近也習相遠也言習之足移乎性也自身心之教息而聲色之足以動民也自人倫之道衰而鬼神之足以惑民也自聖賢之學微而佛老之足以誘民也千巖競秀萬壑爭流多梵宮琳宇又士大夫之所學半墮于禪宗窠臼而不能自出何怪乎無冬無夏值其鷺羽大姬之好日在民間而家絃戶誦之儒視臨春結綺之尙爲空谷足音也吾安能載杞人之筆呵沅湘之璧而問焉志風俗第六

志天下之災祥者志焉而有益于天下也志一邑之災祥者志焉而有益于一邑也蓋東南之民不病旱而病水不患于山之災而患于水之害至于海颶爲加甚焉惟在築塘以捍其猛迅之勢護閘以調其常流之分視河防之工爲相半焉毋徒曰人在鏡中舟行畫圖置良蠶佳麥于不問也志災祥第七

夫取吾民之力而夏賦秋稅之其去古什一之征也幾何矣果盡倣一條鞭之法而徵之乎果共遵賦役之書而徵之乎爲民上者念吾民于數十年之前念吾民於數十年之後令吾民知有田賦且不知有田賦則不止爲一邑之田賦謀而後可以宰天下之田賦上計於司農之書矣志田賦第八

越多賢郡守皆加意於水利而著績乎水利焉蓋越固水國讀馬公之疏湯公之碑幾有水之利而無水之害然兩袖清風披拂於錢清之渡八百圖畫縹緲乎鏡水之濱而其源皆發於舜之江觀之者亦可邇其源而得其利矣曾子固鑑湖圖說又不可不讀也志水利第九學之由來尙矣離經辨志操縵安絃皆居其地而爲之習其師而親之未有人自爲師家自爲講不登作者之堂而躋於聖賢之域者也故郡縣之學必如太學之制朝虔而夕糾焉庶幾天下所謂學者可比隆於三代之所謂學矣雖然治事之齋良知之席鵝湖之院又當取

白鹿之遺規而讀之固不僅在浩然所云襄陽山水間也志學校第十

古之動民者以實不以文以人不以神蓋得乎人之所以爲人始得乎神之所以爲神當日忠孝節烈之士豈意後人春秋尸祝而後爲之哉人自春秋尸祝之耳吾學之不正由於吾心之不正雖欲二端之不盛也其可得乎右軍宅化空王寺賀監家爲羽士宮何似先生舊池館春風常在杏壇中深味此詩亦可得乎祠祀之所尙矣司風教者其加之意焉志祠祀

第十一

越以君子八千人沼吳而會盟於上國至天王且賜賀以黼黻金鼓吳雖有犀兕之甲茶墨之軍亦何爲也哉故會稽竹箭之美比於淇園而淇園之竹又何如淇園之玉也厥貢瑤琨切磋琢磨焉以君子之學而爲公侯腹心之選則海防汎堦之法不可不夙講也志武備第

十二

國家有百官志而百官於所職之事各有題名記亦曰自歌鹿鳴而來無不題其名茲不可以不題其名所以著戒而垂後也或戴星而治或鳴琴而理勞逸賢否無不視此矣觀於昔之所因而可以得今之所革觀於前之所是而可以知後之所非中牟之令藍田之尉又何古今人不相及乎志職官第十三

科目可以得賢人乎曰否辟召可以得賢人乎曰否惟辟召與科目並行不悖而後可以得賢人也漢以四科取士不專尚制策唐宋以十等取士不專尚詞賦辟召所得之士亦與科目相半焉近代所謂炳耀竹帛垂譽鐘鼎者非科目不爲功亦獨何哉然羊裘而釣於富春

著易而隱於金庭又不可得而辟召之矣是在盛王之蒲繻有以待之志選舉第十四

天地生才不一人而人之不負其所生非一事惟不一人而人之出奇者無窮惟不一事而事之出奇者無窮然其人其事不恆有而適還於性分所固然此人物之所以無窮也會稽自越君臣辛苦謀國習誦石室玉門之書蓋有禹之遺烈焉夫聖人可學而至而忠孝節烈本吾所自有虞翻所陳與十朋所賦惟在上有以作而下有以應則風流如大令至行如江公皆玉皇仙吏之所長養也志人物第十五

董念陸

凡例

一是書於康熙辛亥歲開館於陶文簡公之祠內欽德三年辛苦始得告成其志引如沿革設官山川古蹟物產風俗災祥田賦上中水利祠祀職官選舉名宦列傳係徐文長先生原稿如薦辟貢生舉人進士武科寓賢理學儒林忠節孝義隱逸仙釋方技列女本之張陽和先生之郡志因郡邑兩志俱出自先生手定故也其田賦下係新賦役全書學校武甲特用原係新入志引出自先君之筆未幾而印板殘闕漸成汲冢邑侯崑山王公慨然念之正值纂修之命捐俸詳訂始得完書其有功於是書者不淺矣

一舊志以郡事入邑爲悖欲明乎沿革也但未建邑以前有神禹會計始皇游幸二大事則邑所必載謹備錄以溯源委

一舊志闕學校今志獨學校爲最詳蓋朝廷建學育才督以憲臣聯以師儒典莫重焉故源本闕里志蘇州府學志參酌成之

一兵農者郡邑之大政邑爲郡輔郡志輯武備而邑志何闕焉謹遵郡志參貫古今酌定條目折衷於大易設險之義故增武備以補昔賢所未及

一朝廷最重易名之典而會稽之賜諡諸公皆有功德於當時彰彰於國史者略舉其人以

志不朽唐徐季海諡定元韓明善諡莊節明先中峯諡文簡陶南川諡莊敏陶虞臣諡文僖

陶泗橋諡恭惠羅一甫諡文懿陶石簣諡文簡王墨池諡恭簡倪鴻寶諡文

一節烈與列傳不同列傳有事業之高下節烈則同一堅貞而已如曰旌而後傳惟素封之家子孫昌大者斯力爲之否則盡湮沒矣故輿論所推許者多載數人以勵廉恥至無子守節尤不敢遺若妾之守貞舊無旌表之例故多闕焉確有見聞者必及之

會稽縣志卷首

圖畫共二十七幅

四境

府城

所城

縣署

會稽山

秦望山

雲門山

若耶溪

鑑湖

海塘

應宿閘

海防

府學

縣學

社稷壇

山川壇

厲壇

城隍廟

南鎮

禹陵

宋陵

孝女廟

唐將軍廟

雲門寺

廣孝寺

顯聖寺


平陽寺

案康熙二十二年板本增加若耶溪圖一幅刪去雲門山圖而圖目仍循十二年舊本以致名實不符茲仍取十二年雲門山圖補入俾成足本

康熙會稽縣志

卷首 圖目


四境圖






康熙會稽縣志


卷首 圖 四境






府城圖




澧海所圖







會稽山圖



秦望山圖

